

(14 Mac 2021) Sinar Harian 1P. 10

Tiga lagi kematian akibat Covid-19

Sebanyak 162 kes dirawat di ICU dengan 70 kes memerlukan bantuan pernafasan

Oleh MOHAMMAD KHAIRIL ASHRAF MOHD KHALID

SHAH ALAM

Malaysia merekodkan 1,470 kes baharu Covid-19 pada Sabtu menjadikan jumlah kumulatif adalah sebanyak 322,409 kes dengan 16,711 kes aktif, kata Ketua Pengarah Kesihatan, Tan Sri Dr Noor Hisham Abdullah. Beliau berkata, kes sembuh pula adalah sebanyak 1,830 kes menjadikan jumlah kumulatif kes sembuh dalam negara adalah 304,492 kes.

“Daripada kes baharu hari ini (Sabtu), ia melibatkan 1,458 kes tempatan iaitu 1,099 warganegara dan 359 bukan warganegara manakala 12 lagi adalah



DR NOOR HISHAM

kes import,” katanya dalam kenyataan mengenai perkembangan Covid-19 pada Sabtu.

Dalam pada itu, Dr Noor Hisham turut memaklumkan, Selangor masih melaporkan kes harian tertinggi iaitu sebanyak 551 kes, diikuti Sarawak (222 kes) dan Pulau Pinang (178 kes). Sementara itu, sebanyak 162 kes dirawat di Unit Rawatan Rapi (ICU) dengan 70 kes memerlukan bantuan pernafasan.

Dr Noor Hisham berkata, tiga kematian yang direkodkan pada Sabtu kesemuanya melibatkan warga tempatan dengan masing-masing satu kes di Selangor, Wilayah Persekutuan, Kuala Lumpur dan Terengganu. Beliau berkata, sebanyak dua lagi kluster baharu dikenal

pasti melibatkan kluster berka-
itan tempat kerja.

“Kluster tempat kerja dike-
san di Johor iaitu Jalan Mega
Cemerlang dan satu lagi di Wi-
layah Persekutuan, Kuala Lum-
pur iaitu Jalan Prita,” katanya.

Tegasnya, ini menjadikan
jumlah kluster aktif kini 426
kluster dengan 52 daripadanya
mencatatkan pertambahan kes
baharu pada Sabtu.

“Kluster dengan pertambah-
an kes baharu tertinggi pada
Sabtu adalah Kluster Tapak
Bina, Jalan Salak (73 kes), Klus-
ter Lintang, Bayan Lepas (56
kes) dan Kluster Tembok, Tapah
(49 kes),” katanya.

